



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

47. Remittuntur ei peccata multa, quoniam dilexit multum.

urn:nbn:de:hbz:466:1-39463

Sic mutuum dare etiam ipsis inimicis, consilium est & materia mercedis multæ. *Nihil inde sperantes, præceptum est quod hīc repetitūt, & Ethnicorum exemplo confirmatur.* Sed amplectitur perlubenter Caluinus, quicquid ad veterum Theologorum reprehensionem facere potuit.

IN LVCAE CAP. VII.

47. *Remittuntur ei peccata multa, quoniam dilexit multum.*

*Dilectio
quomodo
remiss.
peccatorū
causa.
1. Senten-
tia.*

*2. Senten-
tia.*

*3. Senten-
tia.*

*Dilectio-
nis ex gra-
tia altus
ad remiss.
peccat. di-
sponit.*

VARIA est huius loci interpretatio. Aliqui considerantes dilectionem Dei quatenus primæ iustificationis causa est, neque illam præcedens ut dispositio, neque consequens ut perfectio, sed formalis quia infusio diuinæ gratiæ qua peccator formaliter iustificatur, est ipsa ex parte charitatis infusio; horum verborum sensum valde perplexum reddunt. Secundum illos enim hic est sensus: *Dilectio ponit causa remissionis peccatorum, quia quoad remissionem culpæ, est causa perficiens (perfectè enim tollitur inimicitia vbi noua ponitur amicitia) & quoad remissionem pœnæ, est causa meritoria.* Charitas enim hoc sensu (aiunt illi) operit multitudinem peccatorum. Sed quum hæc dilectio sit habitus à Deo infusus, Christus autem de illa dilectione loquutus sit quam hæc mulier exercuit, id est, de actuali; rata hæc speculatio à sensu literæ proflus aliena videtur. Alij sic exponunt: *Remittuntur ei peccata multa: quoniam, id est, idcirco dilexit multum, ut quadret parabolæ à Christo propositæ.* Sic Didacus Stella, de Græco aduerbio ēti non tē disputans. Rursus alijs sic: *Remittuntur ei peccata multa, quoniam dilexit, id est, quod hinc cōstat quia dilexit multum, ut dilectio multa signum & nota sit, non causa remissionis peccatorum.* Omnes hi sensus ideo inuenti sunt, quia quum remissio peccatorum sit gratuita, durum videtur causam eius ponere in dilectione præcedente. Sed remissio peccatorum gratuita nihil repugnat, aliquos actus præcedentes ponere, qui ad eam necessariò aut saltem ordinatiè disponant, & causæ sint disponentes, non autem meritoriae. Sicut ergo fides, spes, venia, odium peccati, rata pœnitentia, sic & ipsa dilectio Dei nondum ut habitus infusi, sed ut actus boni ex speciali Dei gratia profecti, disponunt hominem ad remissionem peccatorum, ut iuxta manifestas Scripturas docet Cōcil. Trid. sell. 6. cap. 6. Talis fuit Magdalenaæ hoc loco dilectio: non qualis est

est in iustificatis, sed qualis est in pœnitentibus. Quod aliam interpretationum, quæsanè hæreticis fauent, authores imprimis aduertere debebant. Pœnitentis personam hic agit Magdalena, & eius dilectionem laudat Christus, sicut cætera pœnitentiæ eius opera, quæ omnia ex magna dilectione profecta sunt, ut peccatricis pœnitentis opera, non ut iustificationis adeptæ fructus. Sic Patres omnes, qui hoc Euangelium tractant, exponunt: Gregorius homilia 33. in Euangelia, Ambros. libro 6. in Lucam, Augustinus homilia 23. ex homiliis jo Bernardus in serm. de 4. modis orandi, vbi ait. Rigans lacrymis pedes Christi, &c. ostendit quod omnino iam proposita erat in corde suo à peccato deinceps abstinere: & multo copiosius in serm. in festo B. Mariæ Magdalenæ.

*Tatrum
consensu.*

Sed contra hos omnes Patres impudenter hoc loco Caluinus. Mirum (inquit) est plerosque interpretes tam crassè hallucinatos esse, quasi hæc mulier veniam lacrymis, unctione, & oculis pedum promerita sit. Caullator putidus pro eo quod interpretes dicunt, consecuta est, ait eos dicere, promerita est. Nemo vel veterum interpretum vel recentium, verbo promerendi vsus est; aut, si vsus est, aliter intellexit, quam confectionem de facto. Sed probare Caluinus vult, nec meritum, nec causam ullam subsecutæ remissionis fuisse, quæ hic Magdalena præstirit. Nam (inquit) argumentum quo utitur Christus, non à causa sed ab effectu sumptum est, quia & prius ordine est beneficium accipere, quam habere gratiam, & causa mutui amoris hic notatur gratuita remissio. At contrà Patres expulerunt, argumentum Christi ab effectu non à causa sumptum esse: quia prius ordine est pœnitentiam agere, quam remissionis beneficium à Deo accipere, & causa acceptæ remissionis hic notatur multa dilectio, causa, inquam, non meritoria, sed ad eam disponens. Est quidem prius ordine beneficium accipere quam habere gratiam, id est, gratias agere: sed illa quæ fecit hæc mulier, non erant de accepto beneficio gratiarum actio, aut mutui amoris, quem gratuita remissio excitauit, declaratio; sed ideò siebant, ut remitterentur peccata. Quare fecit illa omnia (ait Augustinus) nisi ut sibi dimitterentur peccata? Et tu quoque plurimum dilige (ait Ambros.) ut & tibi remittantur peccata. Incendit plenè peccati rubiginem (ait Gregorius) quia ardet validè per amoris ignem. Tanto namque amplius peccati rubigo consumitur, quanto peccatoris cor magno charitatis igne concrematur. Sed & D. Bernardus. Sine ullo intervallo (inquit) coniunguntur & lacryma peccatoris,

Vbi suprà.

Z 5

& misericordia saluatoris. Quare ineptè & absurdè Calvinius, quicquid h̄c Magdalena fecit, adeptæ iam iustitia signe fuisse, & ad testandam suam gratitudinem exhibita affirmat.

Multò quoque ineptius & impudentius post eum Beza de prauatione. Qui hoc loco (inquit) abutuntur ad euertendam gratuitam solam fidei iustificationem, non modo summam impudentiam, sed etiam infantiam suam patefaciunt. Quì sic, bone Beza? Negat enim (inquit) Christus hanc esse peccatricem, sicut iste Pharetræus temerè iudicarat. Si hoc negat Christus, ergo mentitur est Lucas, qui de ea dicit, *Mulier peccatrix attulit alabastri unguenti.* Nam Lucam eam sic nominasse, quia talis tunc erat, non quia talis olim fuerat, contra Erasmus ipse Calvinus docet. Erasmo placuit (ait Calvinus) tempus verbi plus quam præteritum, ne quis putaret eam tunc adhuc fuisse peccatricem. Sed à genuino sensu discessit. Voluit enim notare Lucas qualis esset mulieris conditio, & quid de ea omnes sentirent. Hæc contra Erasmus Calvinus: qui, tametsi postea idem dicat quod h̄c Beza pariter tamen cum illo errauit. Primum quia Lucas eam designat qualis tunc erat. Deinde, quia sermon non ideo à Christo redarguitur, quod male iudicasset illam esse peccatricem, sed quod peccatricis pœnitentiam non aduerteret: nam hanc ob causam singulos nobilissime pœnitentiae actus sigillatim ei commemorat: & per patabolam ostendit, ideo illam tot dilectionis signa ostendisse, quia plurimum se debere sciebat. Sic Augustinus loco citato: *Quare dilexit multum, nisi quia debebat multa?* Eadem quoque ob causam non contentus Christus remissionem peccatorum illi conferre, dicens, *Remittuntur tibi peccata tua, sive in præsenti sive in præterito illud verbum exponas, quod certè in præsenti intelligebant qui illud audiebant;* (statim enim dicebant, *Quis est hic qui peccata dimittiit?*) adiecit præterea, *Quia dilexit multum:* ut intelligeret Pharisæos hanc mulierem ex humili agnitione debitorum suorum multaque propter ea dilectione, peccatorum remissionem consequitam fuisse.

IN LVCAE CAP. VIII.

50. *Noli timere, tantum crede, & salua erit.*

*Sola fides
nō statui-
tur.*



BUTVNTR hec loco hæretici, ut solam fidem à Christo exigi doceant ad si utem consequendam. Excluduntur his verbis (ait Flaccus Illyricus conti-

Iudei